

2 一、「文殊頌」：

文殊大士，妙應無方，座前獅子獸中王。

4 妙意降吉祥，花雨天香，寶智透心光。

具大慈心妙吉祥，三世覺母智難量；

6 右持利劍煩惱斷，左執青蓮德相彰。

孔雀神獅供乘馭，毒龍猛獸伏清涼；

8 童形五髻知權現，本是如來歡喜藏。

南摩五台 金色世界 大智文殊 師利菩薩（三次）

10 南摩妙吉祥菩薩 南摩妙吉祥菩薩

南摩妙吉祥菩薩 南摩妙吉祥菩薩

12 嗡阿惹巴札那諦（*Om A Ra Ba Ja Na Di*）

二、宗喀巴大師讚：

14 *Mig-me Tse-wa Ter-chen Chan-ra-zig* 無緣悲藏觀世音，

Dri-me Kyen-pai Wang-po Jam-pal-yang 無垢智王妙吉祥，

16 *Du-pung Ma-lu Jom-dza Sang-wai-dag* 鎮伏群魔秘密主，

Gang-chan-ka-pai Tzug-gyan Tsong-ka-pa 雪賢頂嚴宗喀巴，

18 *Lo-zang Drag-pai Zhab-la Sol-wa-deb* 善慧稱前誠祈請。

2 三、敬禮文殊師利妙童子菩薩：

 怙主大智離二障雲，如日清淨極明朗；

4 所有境界如實知故，手拖經篋在胸前。

 三有獄中所有眾生，無明暗迷苦所逼；

6 悲憫彼等皆如獨子，為說六十支音語。

 如雷大震煩惱睡醒，業力鐵鏈使解開；

8 無明暗除為令斷盡，一切苦牙持寶劍。

 本來清淨十地究竟，功德圓滿佛子身；

10 百一十二相好莊嚴，清除心暗我敬禮。

12 四、《大乘瑜伽金剛性海、曼殊室利千臂千鉢大教王經》

 （卷第一）（T20, No. 1177A, pp724b-727a ）

14 大興善寺、三藏沙門大廣智、不空沙門奉詔譯

16

2

◎一、前言：

爾時如來說示經教。法本五門。演有九品。云何法本立爲五門？一者無生門。

4 二者無動門。三者平等門。四者淨土門。五者解脫門。

云何經教說有九品？一者、一切如來，金剛祕密根本聖教品。二者、諸佛出

6 現，證修金剛菩提殊勝品。三者、十方大菩薩，出助證悟聖力品。四者、一切賢

聖，入法見道，顯教修持品。五者、祕密歸止觀，照法性決擇心地品。六者、一

8 切菩薩，修學如來三摩地，聖性潛通加被品。七者、不思議法界，聖道如來，真

如法藏自在聖智品。八者、三賢菩薩入法位，次第修行，迴向菩提品。九者、十

10 聖菩薩入地等、妙二位，修學進入聖道，成佛菩提解脫品。

就此五門之中。從第一門，云何次第得入無生門。一者、入阿字觀，本寂無

12 生義，毘盧遮那如來，說根本清淨無生門。

就此門中，演有二品。一者、先說一切如來，金剛祕密根本聖教品。二者、

14 後演諸佛出現，證修金剛菩提殊勝品。次說經頌：

V1. 稽首如來法性身，毘盧遮那清淨體；報化應現等如空，般若無邊得自在。

16 V2. 四智神用密加持，慧海無窮遍一切；法界真如空無相，本在有情體性裏。

V3. 聖智力入識種中，金剛迅疾同等體；如來法經囑曼殊，祕密流通無障礙。

18 V4. 曼荼灌頂授職位，一切如來摩頂記；瑜伽三密志求成，速達本源登佛地。

V5. 千臂曼殊蓮華會，金剛等持付一切；五智潛通加被心，出到菩提證實際。

20

2 二者、說諸佛出現，證修金剛菩提殊勝第二品（卷第二）

(T20, No. 1177A, pp731c-733a)

4 爾時曼殊室利菩薩，則為師子菩薩等十六大士，說次第修行、如來祕密成就、
一切金剛菩提觀。如何十六大士修行，加持菩提觀者？云何亦得見聞，十六菩薩
 6 曼殊、普賢等，本有金剛殊勝名號，祕密菩提行持，傳授加被，修學一切菩薩，
 有情眾生，盡皆成佛。何者本是次第名號？云何聞睹十六菩薩殊勝名故？如何名
 8 大士十六菩薩？

一者、東方第一、普賢菩薩摩訶薩，名號金剛手。為一切有情，稽首毘盧遮那如
 10 來，加持一切眾生，令入一切金剛薩埵三摩地。妙堅牢故，證修入一切如來、清
 淨法身、金剛實性中。轉戒定慧、解脫、解脫知見，成金剛法輪，利益一切有情
 12 眾生，令一切菩薩摩訶薩，修入佛心觀。

二者、不空王菩薩摩訶薩，號金剛鉤召。自入三昧，證入毘盧遮那佛心；出一切
 14 如來大鉤召印，召請一切如來，作神通力。從金剛大鉤形，出現加持一切世界，
 菩薩摩訶薩；入微塵數諸佛如來，法身菩提，令一切菩薩，修入菩提真如觀。

三者、摩羅大菩薩摩訶薩，號名金剛弓。自入三昧，證入毘盧遮那佛心，住如來
 16 摩羅大清淨業，最勝悉地；成就金剛菩提箭，迅疾速入如來聖性、聖力。加持一
 18 切菩薩，身心性智，除去諸障，入迅疾金剛菩提實性觀。

四者、極喜王大菩薩摩訶薩，號名金剛喜波羅。自入三昧，證入毘盧遮那佛心，
 20 同為一體；出微塵數、歡喜波羅形狀，加持一切菩薩，入金剛菩提薩埵、無我體
 性智空觀。

- 2 五者、南方第一、虛空藏大菩薩摩訶薩，號名金剛藏王。自入三昧，證入毘盧遮那佛心、金剛藏性；出一切如來，虛空法界寶藏。生金剛妙寶形，出微塵數一切
- 4 諸佛如來三昧，光明照耀，加持一切菩薩摩訶薩，修入金剛菩提輪三摩地法空觀。
- 六者、大威德光大菩薩摩訶薩，號名金剛光明。自入三昧，證入毘盧遮那佛心；
- 6 出一切如來、金剛日輪三昧，加持一切菩薩摩訶薩，令修入金剛三密佛、三摩地，得證日輪菩提一性觀。
- 8 七者、寶幢摩尼大菩薩摩訶薩，號名金剛幢。自入三昧，證入毘盧遮那佛心；出一切如來、金剛祕密法藏聖力，加持一切菩薩摩訶薩，令入金剛勝幢、寶藏三摩
- 10 地，令證一切菩薩，入無動地、涅槃佛性無心觀。
- 八者、常喜悅大菩薩摩訶薩，號名金剛喜智。自入三昧，證入毘盧遮那佛心；出
- 12 金剛微笑喜形，加持一切菩薩摩訶薩，修證入一切如來金剛歡悅、實性三摩地，令一切菩薩，證入悅意性清淨、金剛實際觀。
- 14 九者、西方第一、觀自在王大菩薩摩訶薩，號名金剛眼。自入三昧已，證入毘盧遮那佛心、自性清淨身；出一切微塵數諸佛如來，令一切眾生，住三摩地性，同
- 16 爲一體。量等法界，遍盡虛空，生大蓮華，金剛寶形，如空法界。從彼金剛蓮華形，出生一切如來、金剛自性聖智三摩地、神境通自在聖力，加持一切微塵數佛
- 18 剎中，一切菩薩摩訶薩，令入聖性自在神用、諸佛慈心淨土觀。
- 十者、曼殊室利大菩薩摩訶薩，號名灌頂王金剛慧。自入首楞嚴三昧，證入毘
- 20 盧遮那如來佛心，同爲一體。自在聖性，生微塵數般若波羅蜜慧智；出生殞伽河沙，金剛慧劍般若形；證入一切如來，金剛智慧劍，同爲一性。加持微塵數佛刹
- 22 世界，諸大菩薩摩訶薩，修入一切如來金剛三摩地，證金剛慧劍，揮滅一切眾生煩惱罪障，成就一切有情眾生，修證無上正等菩提觀。

- 2 十一者、妙慧法輪大菩薩摩訶薩，號名金剛場。自入法性輪三昧，證入毘盧遮那
佛心法輪性海三摩地，同一切如來金剛聖性一體法輪智法界金剛界三摩地。出一
4 切佛刹微塵數微塵數諸佛如來，加持一切菩薩摩訶薩，令入大曼荼羅灌頂，證得
瑜伽三密三摩地聖性相應同等神通自在聖力，修證法性法輪三摩地觀。
- 6 十二者、聖意無言大菩薩摩訶薩，號名金剛聖語。自入一切文字般若無相三昧，
證入毘盧遮那佛心金剛法性，同為一體。出一切如來祕密三摩地念誦狀形，出生
8 一切微塵數如來金剛法性身，加持一切諸大菩薩摩訶薩，令自勤修證三密三摩
地，入法界佛性法身聖性觀。
- 10 十三者、北方第一、毘首羯磨大菩薩摩訶薩，號名金剛毘首羯磨、轉法輪王。自
入三昧已，證入一切如來毘盧遮那佛心一切清淨摩羅大寂諸佛菩提法藏。出生微
12 塵數佛刹世界，一切羯磨如來世尊，同為一切諸佛毘盧遮那如來性海真如法藏。
生一切金剛薩埵毘首羯磨，成就一切菩薩摩訶薩阿耨菩提，令諸菩薩當自觀照自
14 性心地，修入證得諸佛智鏡金剛瑜伽三密三菩提圓通一切金剛三摩地觀。
- 十四者、難敵精進力大菩薩摩訶薩，號名金剛慈力迅疾灌頂。自入金剛智地三昧，
16 證入毘盧遮那佛心，住如來大金剛祕跡三密性三摩地佛堅牢甲冑性海同為一體。
出百千大金剛甲冑形，住佛手掌中，從金剛甲冑形，生一切世界微塵數諸佛國土
18 如來守護一切儀範軌則廣大事業。同一切如來神通自在聖力，加持一切菩薩摩訶
薩，得難敵聖力精進道行，速證疾入如來金剛甲冑體性三菩提觀。
- 20 十五者、摧一切魔怨大菩薩摩訶薩，號名金剛暴怒。自入三昧，證入毘盧遮那如
來佛心同為一體一性。出金剛大牙器仗金剛狀形，住佛掌中。從彼金剛牙形，生
22 一切佛世界微塵數如來金剛身，作一切降伏暴怒等，為一切佛神通聖力。加持一
切菩薩摩訶薩，成就金剛牙器仗安立世界中，暴怒恐怖[打-丁+羅]伏一切天魔，

- 2 及一切自性煩惱魔，令一切菩薩得無礙，修證如來三摩地，令入聖智自性三密迅疾金剛觀。
- 4 十六者、金剛拳法界王大菩薩摩訶薩，號名堅跡金剛界。自入月輪心瑩淨自性智鏡三昧，入一切佛心如來金剛薩埵菩提地。出一切佛世界微塵數佛土一切如來，
- 6 加持一切菩薩摩訶薩，令修證入一切平等性智三摩地。證金剛甚深一切法義成就菩提，速超入一切如來毘盧遮那法身智鏡性；則見我身，同如來形；證入金剛界
- 8 性，成就一切如來法智身佛五眼觀。

則是時十六大士菩薩摩訶薩，各各自說觀門，諸佛如來金剛悉地，成就阿耨多羅三藐三菩提。令一切菩薩摩訶薩，及一切有情眾生，修證入瑜伽三密門、三十支三摩地、金剛菩提觀已。其時閻浮提世界，忽然廣博嚴淨，現為金色世界廓清。即有微塵數、千百億佛刹世界，一切諸佛如來，同時出現為作證明，總共讚歎曼殊室利，為於上首，與普賢等十六大士菩薩摩訶薩，願為一切有情眾生，疾令修證，速得成就阿耨多羅三藐三菩提。

◎二、正文：

16 佛告大眾，諸大菩薩摩訶薩，若有初發意菩薩，及一切四部眾，善男子善女人等，若發菩提心者，曼殊室利菩薩，當有誓言，我有十種諸佛無盡甚深大願。

18 所有一切菩薩，及一切有情眾生，入我願者，則是世尊諸佛之子，亦是我父母。於意云何？我有先誓大願，依我十種大願者，先為父母、兄弟姊妹、妻子眷屬，

20 得令富貴，果報圓滿。兄友弟恭，慈心不殺。聽學大乘，讀誦尊經。轉教群品，願至菩提。我亦作師僧、子弟，和尚、阿闍梨，同學伴侶，受我法教，學我威儀，

22 取我禮節，令發勝願。迴向大乘，學習菩提，漸成佛道。於是我作、他作，大臣官長，理務世俗；一一清正，於國忠孝，悉共有緣，歸向菩提；得值三寶，令發

24 菩提之心。云何名為無盡十種甚深大願：

2 一者大願，若有一切眾生所生三界，或我作、他作，隨緣受化。四空五淨之
 主，八定四禪之主，梵王六欲之主，帝釋諸天之主，四天四輪之主，諸神龍王之
 4 主，八部鬼神之主，守護佛法之主，伽藍宮殿之主，四大持世之主，金剛堅牢之
 主，護國善神之主，大國小國之主，粟散世王之主，統領諸軍主，都攝所守主。
 6 所有水陸四生，胎卵濕化，九類蠢動，一切含靈，同生三世，願佛知見。

或未聞我名，令願得聞；及聞我名，於我法中，令一切有情，盡發菩提，迴
 8 向大乘，修無上道。若有眾生，以法藥世醫，救療諸疾；歷數算計，工巧博弈；
 世典文筆，歌詠讚歎。講論戲處，導以度人。隨類同事，接引世俗。令發菩提正
 10 見正授，共我有緣，得入佛道。

二者大願，若有眾生，毀謗於我，瞋恚於我，刑害殺我。是人於我、自他，
 12 常生怨恨，不能得解。願共我有緣，令發菩提之心。

三者大願，若有眾生，愛念我身，欲心見我，求得於我；於我身上、於他身
 14 上，盛行諂曲，邪見顛倒；及生淨行、不淨行，諸惡不善。願共有緣，令發菩提
 之心。

16 四者大願，若有眾生，輕慢於我，疑慮於我，枉壓於我，誑妄於我；毀謗三
 寶，憎嫉賢良；欺凌一切，常生不善。共我有緣，令發菩提之心。

18 五者大願，若有眾生，賤我、薄我，慚我、愧我；敬重於我，不敬於我；妨
 我、不妨我，用我、不用我；取我、不取我，求我、不求我；要我、不要我，從
 20 我、不從我，見我、不見我。悉願共我有緣，令發菩提之心。

六者大願，若有眾生，常殺生命。作屠兒魁膾，畋獵漁捕，怨命現前，更相
 22 殺害。無有斷絕，世世相報；殺心熾盛，不生悔過；賣肉取財，自養性命。如此
 之心者，永失人身，不相捨離報對，如是令發菩提之心。若有他人，取我財物，

2 我與財物；或施我財物，我施財物；所得財物，及不得者。於我有緣，令發菩提之心。

4 七者大願，若有眾生，供養我者，我供養他者。或我造、他造寺舍僧房，伽藍佛塔，禪房蘭若，獨靜之處。或我造、他造一切功德，及造菩薩諸佛形像。令
6 他布施，修立福祐。遍於法界，迴向一切諸佛菩提。令一切有情，同霑此福。及有他人、自己，朋友同伴，師長弟子。修行苦行，節身斷食。持戒破戒，有行無
8 行。和尚阿闍梨，教導稱說。聽受我教，我受他教。同行同業，共我有緣，令發菩提之心。

10 八者大願，若有眾生廣造諸罪，墮於地獄，無有出期；經無量劫，受諸苦惱；
從地獄出，生於五趣。先作畜生，將命還於前生；負物作駝驢、豬狗，牛羊象馬，
12 奴婢僕從，償他宿債，累劫倍命；還他偷盜，無有休息。我於五道，隨形受化；
常生同世，教化於人；或作貧窮困苦，盲聾瘖啞，最下乞人。於一切眾生眾中，
14 同類同緣，同事同行；同業導引，得入佛道。共我有緣，令發菩提之心。

九者大願，若有眾生，縱恣身心，我慢貢高，故於我法中，污染佛法。師長
16 弟子，無慚無愧。用僧佛錢，菩薩財物。殺生、偷盜、邪行，妄語、綺語、惡口、
兩舌，鬥亂、縱恣貪、瞋。不揀良善，劫奪他財。拒諱謾人，不識善惡。廣造十
18 惡，一切諸罪；死墮阿鼻，入諸地獄。從地獄出，輪還六處。入生死海，諸趣惡
道。願共有緣，同業同道。隨緣化變，當以救之，令得出離。共我有緣，發菩提
20 心，求無上道。

十者大願，若有眾生當於我法，若我有緣，若我無緣；同我大願，則是我身，
22 共我無別。行四無量心，心等虛空。廣度有情，無有休歇。願達菩提，登正覺路。
大聖曼殊，以聖性願力；不入三界，亦不出三界；心如虛空，常在如來清淨性海，

2 真如藏中；安住法界，遍在眾生，心識體性。曼殊室利言：我有大願，以聖性力，
加持有情，令罪垢消滅；得入菩提，諸佛聖果。則是名：菩薩十種大願。

4 如是曼殊發廣大願已，三千大千世界六種震動，天雨曼陀羅華，遍滿虛空。
其時大會諸眾，盡見其華，同時讚歎曼殊大士，聖力自在，不可思議、不可言說。

6 爾時諸大會眾，咸皆歡喜，信受奉行。

◎三、發願迴向：

8 《聖者文殊利發菩提心願文》（T20, No. 1198, pp940a ）

巴看落日瓦傳、元、甘泉馬蹄山中川守分真師、姪智慧譯

10 敬禮一切諸佛菩薩

救護一切面前住，究竟發於菩提心；一切有情作利益，輪迴
12 有情至彼岸。癡心瞋心本自性，慳貪貢高本自性；始從今日
至菩提，未證中間不復造。惡業貪瞋皆捨離，制學依行恒歡
14 喜；隨喜正覺解所行，自己恒時所修善。不取菩提之正路，
若一有情未出離；住於暗劫恒化利，無量不思議劫中。願常
16 恒遊佛淨土，某甲執名所作罪；十方界中普皆聞，自己身語
之惡業；於一切處恒清淨，意中惡業亦清淨，無邊惡業不復
18 造。（聖者文殊師利，往昔為啞馬國王時，於雷音王佛處，發此菩提心願文。）

2

□普皆迴向：

◎ I. 《菩提道次》祈願文 宗喀巴大師著

4

以我久勤所積集，量等虛空二資糧；爲度無明有情眾，願成導師佛世尊。

6

未成佛前一切生，文殊慈憫垂攝持；具足教以最勝道，得已行令諸佛喜。

以我解悟道法要，大悲爲導善方便；淨除眾生意冥愚，持佛教法於久遠。

8

教法勝寶未遍揚，或已遍揚而衰墮；願於彼處興大悲，顯弘利樂之寶藏。

願佛菩薩妙事業，最勝菩提道次第；饒益諸願解脫者，世尊教行永流傳。

10

成就修行善道緣，淨除人非人違緣；佛所讚歎淨行道，生生世世永不離。

以十法行於勝乘，如理精勤修行際；護法聖眾常護持，如海吉祥普十方。

12

◎ II. 極樂淨土、精簡發願迴向文

14

【總迴向】：

16

願我臨欲命終時，盡除一切諸障礙；面見彼佛阿彌陀，即得往生安樂刹。

我既往生彼國已，現前成就此大願；一切圓滿盡無餘，利樂一切眾生界。

18

彼佛眾會咸清淨，我時於勝蓮華生；親睹如來無量光，現前授我菩提記。

蒙彼如來授記已，化身無數百俱胝；智力廣大遍十方，普利一切眾生界。

20

乃至虛空世界盡，眾生及業煩惱盡；如是一切無盡時，我願究竟恒無盡。

我此普賢殊勝行，無邊勝福皆迴向；普願沈溺諸眾生，速往無量光佛刹。

22

願今禮佛發願，修持功德，迴施有情；

四恩總報，三有齊資；法界眾生，同圓種智。